



## Universitätsbibliothek Paderborn

**Joannis Bonae, Eminentissimi S. R. E. Titulo S. Bernardi  
Ad Thermas Cardinalis Presbyteri Opera Quotquot  
hactenùs separatim edita fuerê Omnia**

**Bona, Giovanni**

**Antverpiae, 1677**

III. De purgatione à peccatis. Exeundus erga illa affectus, & vitia extirpanda. Nullum efficacius vitiorum remedium, quàm mortis, & aeternitatis consideratio.

**urn:nbn:de:hbz:466:1-10805**

verecundia impeditus vitia tua dissimulet. Quod si negaverit se aliquid in te deprehendere censuram dignum, ne te protinus credas inculpabilem evasisse. Tacet enim, aut timens odium tuum, aut desperans emendationem. Tunc verò urge, & insta vehementius, & factis ostende, quantum proficere cupias. Incipe vitia apud illum depone, ad ejus prescriptum mores exigere. Gaudie fieri ab eo convitum tuæ pravitati, semperque ab ipso vel sanior redeas, vel sanabilior. Inter tot mala aliquid est, velle sanari.

4. Hæc sunt docentis & discentis mutua officia: ut ille prodeste velit, hic proficere. Ne ille profit, vix quidpiam impedit, nisi discipuli refractorium ingenium, doctrinæ impatiens, & curationis incapax. Quidam enim innxi prudentiæ suæ, alterius sequi ducatum derrectant. Hæc omnia, inquit, quæ tu doces, jam scio. Quid prodest aperta monstrare plurimum. Interdum enim scis, & non attendis. Non docet admonitio, sed excitat memoriam, nec patitur elabi. Sæpè animus etiam aperta dissimulat: ingredenda itaque illi rerum notissimarum notitia. Nam virtus erigitur cum tacta est, & impulsu. Alios retrahit malus pudor, vitium puerile, & viro indignum. Alii, quasi phrenetici, pertinaci silentio mala intus premunt, & Medico curatio ni intento indignantur. Suader nimis hanc noxiā taciturnitatem tartareus hostis, sperans perniciem afferre, quamdiu latet. Et corporis quidem ulcera, tametsi pudibunda, omnium oculis exponere, ut curentur, non erubescis; animæ verò carcinomata studiose tegis, ac si ea celare tollere sit; cum vix tamen fieri possit, quin vel te repugnante ipsa se prodant. Qui vulnus tegit, nunquam sanabitur.

5. Nunquid Medicus injuriam tibi facit, si tuum tibi morbum demonstrat, si periclitanti dicit: Malè habes, febricitas: hodie tibi abstinentia à cibo est, hodie aqua potanda? Imò pro beneficio laudatur, gratiæ ei aguntur, & referuntur. Si quis autem dixerit; Appetitiones tuæ aestuant, opiniones vanæ sunt, affectus immoderati; protinus exclamas: O facinus ferro & sanguine vindicandum! ò contumeliam nullo modo ferendam! Infelix! Quid tibi damni aut mali infert tuæ salutis studiosus monitor & instrutor? Id scilicet, quod speculum deformi. Te talem tibi ostendit, qualis es. Corrige ergò quod ille arguit; compone mores, ablue fordes. Facilè potes, si volueris omnium te oculis irreprehensibilem exhibere.

## C A P U T III.

*De purgatione à peccatis. Exuendus erga illa affectus, & vitia extirpanda. Nullum efficacius vitiorum remedium, quam mortis, & eternitatis consideratio.*

1. **A**B ultimo fine deviat homo, cùm peccatum commitit, quod est omnium malorum cauſa. Ab hoc semine nascitur quicquid cruciat: hoc veneno totus Orbis inficitur. Latet illud, dum fit, sed cùm patratum fuerit, tunc intelliges quālē malum sit. Fuere, qui mortuorum corpora vivis jungerent, ut foctore torquerentur. Similis est in peccantes animadversio: alligatum est eis supplicium; non inveniunt quo evadant. Nisi aliquid patiatis, ne malum facias; plurimum patieris, quia fecisti. Vix concipiatur prava actio, & jam puerpera est tuæ poenæ. Inde nata mors est, hinc succensæ gehenna. Ab omnibus itaque flagitiis expienda conscientia, dolore, confessione, & satisfactione. Nec graviora dumtaxat evitanda, sed minima quæque & leviora; quæ tametsi mortem non afferant, vires tamen sensim dissolvunt, & ad mortiferam labem disponunt. Quid autem intereft ad naufragium, utrum navis uno fluctu operiatur: an guttatum subrepens aqua, & per incuriam sprepta, ipsam implet & submerget? Tanto majorem maculam ista inferunt moribus, quanto facilis poterant evitari. Quod hostis debilior est, eò graviori tibi ignominia erit, si ab illo vincaris.

2. Nunquam virtutes animo inservere poteris, & te in pristinum libertatis statum afferere, nisi exuas omnem effectum erga peccata, quantumvis minima; ne corpore in deserto, animo sis in Ægypto. Male tecum agitur, si post dimissam injuriam, post relictos turpes amores, adhuc malignis colloctionibus praestas auditum, adhuc terrenâ specie delectaris. Vitia autem & pravii habitus, qui deletâ culpâ in te remanent, tanquam pessima peccati foboles, radicibus extirpari debent. Si solos ramos præcideris, servata radix emerget, & novi ex ea succrescent ramusculi iniquitatis. Dicis, te velle vitia excindere. Falsum est: non enim claudis vitiis ostium, sed opponis. Dicis, te offendit turpitudine vitæ tuæ. Hoc credo: quis enim non offenditur? Homines mali vitia sua oderunt simul & amant, atque etiam, dum per-

perpetrant, detestantur. Quid prodest verbis mala rejicere, factis amplecti? Nemo est tam profligata conscientia, cui aliquando vitia sua nauseam non faciant: sed citò cum illis in gratiam redeunt. Qui autem verè conversus ad Deum est, ponit securum ad radicem, & ipsas minutissimas vitiorum fibras eradicat. Tum memor fragilitatis suæ omnes peccandi occasionses studiosissimè vitat: & ad quodlibet malæ rei objectum timore concussus resilit, & exhorreficit.

3. Quid frustra tergiversaris, & præcipienti Deo vitiorum exterminationem, opponis naturæ infirmitatem? Nemo magis virium tuarum mensuram novit, quam qui ipsas largitus est. Quare ergò non statim obtemperas, cum non commodum quæratur jubentis, sed tua utilitas? O cæcam & sceleratam temeritatem! Servili nequitia in os Domini reclamare audes, & dicere, durum esse quod ille jubet; ac si mandata tibi imposuerit, quæ ferre non possis: ut videatur præcipiendo non tam salutem tuam quæsivisse, quam pænam. Haec est nimis ræta, humana perversitas, & malè de Deo mereri, & laborem sibi fingere in præcepto. Sed si volueris vires tuas experiri, videbis multò plura te posse, quam putabas. Non quia difficultas est lucta, non audes; sed quia non audes, difficultas illa videtur. Multa priùs tortori habita, usus vertit in risum. Incipe, nec te ipsum contemnas. Non deserit Deus milites suos. Tantum virium habebis, quantum volueris.

4. Omnia vitia facile vinces, si omnem tibi diem supremum diluxisse credideris. Quid est quod te alligat terræ? Quia nunquam cogitas, citò ab ea excendum esse. Transeunt quotidiè præter oculos tuos elata cadavera, quæ mortali-tatis oblitum respicere cogunt ad mortem. Tu autem in media strage morientium, nihil minus quam mortem cogitas: & cum nihil frequenter videas, nihil citius oblivisceris. Veniet tamen qui te relevet dies, & ex contubernio olidi ventris educat. Discutietur ista caligo, & tunc in tenebris te vixisse cognoscet, cum lucem aspiceris. Produc si potes, ex tot elapsis annis vel unicū diem, integræ virtutis testem, qui non fuerit aliquā labe pollutus. Defloruit rudior ætas inter talos & nuces, inter ineptias & libidines adolescentia, inter scelera & flagitia præceps juventus. Post omnes annos, qui à cunis ad canos defluerunt, nihil iam superest nisi dolor, & pravi fructus iniquitatis. Heu quales te apprehendent angustiae, cum præterita pudori erunt, formidini fu-

tura! Quid tunc proderunt divitiae, tot partæ fudoribus, tot curis quæsitæ? Quid carnis deliciæ, & probroæ voluptates; quid inania dignitatum nomina; quid púrpura, quid coronæ? O si daretur reverti ad crepundia, & telam de novo exordiri; quam meliori textu omnia concinnes! sed intempestiva, illo fatali momento, hæc vora erunt. Si vis tempore uti, nunc incipe: & ea desere, quæ tune velles deseruisse. Minima res est, momentaneis renunciare, ut æterna consequaris.

5. Quære, si lubet, ex morituro, de anteacta vita quid sentiat? vix unum reperies, qui non longè diversam proferat de opibus, dignitatibus, mundique vanitatibus sententiam, quam vivens habuerit. Tunc res omnes æquiori lance pensantur, suisque momentis aestimantur. Et illis quidem sera sapientia in exitu est: tibi vero plurimum proderit, si ex alieno errore tuum corrigere didiceris. Potes nunc tutò navigare: quid expectas tempestatem? Potes te, rebus integris, subducere calamitati: cur re reservas extremo periculo? Sera, dum mergeris, cautio est; sera prudentia, cum jam peristi. Tot maximi & sanctissimi viri, relictis omnibus impedimentis, cum sibi & mundo valedixissent, hoc unum in extremam usque ætatem egerunt, ut vivere & mori seirent: plures tamen, nondum se scire professi, è vita abierunt. Ad eos difficile est, hanc artem ediscere. Tu autem in senectutem sana differs confilia; & indè vitam vis inchoare, quæ pauci perdixerunt? Stultitia magna est, tunc vivere incipere, cum definendum est.

6. Quo te projicias, incanus homo! sic credis, & sic vivis; umbrae transitus est tempus tuum; punctum, vita tua, & si quid minus puncto esse potest. Vix natus, definis esse. Siste vel unum diem; horam dumtaxat ne fluat inhibe, brevem moram temporis pone. Frustra conaris: nam te secum citius abripier, quam ut definit velocissime fluere, in tuum rerumque omnium exitium. Et huic memento æternitatem postponis, quæ finem non habet: o stultitiam, o cæcitatem! Corpori peritudo non cessas quæ ad ipsum pertinent comparare, & non est finis acquisitionis tuae: animæ vero quæ nunquam moritur, nulla provides bona in futurum, ac si tua non foret? languet corpus; omne discrimen subire paratus es, ut sanetur: languet anima; & negligis, & non sentis? Quando dictum est tibi, naviga, ne moriaris, & distulisti? Sume amarissimum pharmacum; & recusasti? Levia Deus juber, ut vivas in æternum, & non vis obedire? Si tibi



tibi lis foret, omnis cogitatio tua, omnis sermocinatio circa illam occuparetur; nec subsidia parare cessares, ut pro te Judices sententiam ferrent: extremo autem judicio imminentem, è quo pender æternitas, rides, nugaris, peccas, in æternum perituras? Ah! define tandem insanire, & à vitiis emergens, sic forma quotidie animum, tamquam ad extreum ventum sit. Vera philosophia hæc est, quād maximè fieri potest, hanc animam è corpore educere, & separare.

7. Hoc sit negotium tuum, hoc otium; hic labor, hæc quies, subducere te tempori, & immergere æternitati. Fixum semper & immobile stat, quod in jura transit æternitatis. Avarus epulo aquæ stillam post tot saecula adhuc petit; & perpetuo mugitu frustra rogabit. Æternitas est duratio semper præsens, nunquam sine suspirio, & horrore nominanda: est rota que semper volvitur: est juge, interminatum, semperque inchoans principium. Seria ejus cogitatio mundi delitii miscet absynthia; lethalique mœrō attonitos homines, ac veluti sideratos, dejicit. Hæc animam rebellem domat, & curis inanibus indormiscentem excitat ad virtutem: hæc famem, & sitim condit: hæc omnem laborem facilem, jucundum omnem dolorem, omnem poenam suavem, & brevem esse persuader. Impleantur numericis notis ingentia cœlia spacia, quacunque in immensum protenduntur. Quis præter Deum poterit hanc propemodum infinitam numerorum seriem exprimere? Hi tamen numeri innumerabiles nec initium quidem æternitatis sunt. Tot annis, tot saecula labantur, quot sunt in illis unitates; nondum aliquid de æternitate decepsit. Nondum pervenerunt ad desperatissimæ æternitatis initium infelicissimi mortales, qui perpetuo inferni incendio cruciantur. Ad hanc considerationem si non horre scis, si vitam seriò non emendas, quovis faxo durior es.

## C A P U T IV.

*De Gula. Ejus mala, & remedia. Quae sint indicia devitiae gulae.*

1. PRimum tibi certamen adversus gulæ vietum ineundum est, quæ pabulum cœteris subministrat. Morti corporis & animæ nos gula iniçavit. Primi enim parentes nostri, pom

interdicti esu omnes homines, antequam gignerent, peremerunt. Nunc cædem animarum hostes utuntur; ut enervato omni vigore nos proterant, & conculcent. Hinc stupor, languor, & tædium: hinc scurrilitas, loquacitas, dissolutio: hinc immunditia, rigæ, contentiones: hinc mentis hebetudo, destrœctio omnium virtutum. Hinc rei familiaris profusio: hinc egestas: hinc longa morborum series, & ipsa deinde mors, graviori ciborum sarcinâ accelerata. Pauci sunt infirmi, quos gula ad ægritudinem non adegerit. Nam si noxiis humoribus, ex nimio cibo, & potu congestis, careat corpus, tentari quidem à morbo, sed non subigi posset. *Plures occidit gula, quam gladius.*

2. O vilissimam ventris servitatem, ô inexplebilem cupiditatem! Modicum tibi corpus natura præbuit, vincis tamen vastissimorum, & edacissimorum animalium aviditatem. Taurus paucorum jugerū pascuū impletur; una sylva plures nutrit elephantes: tibi angustus est Orbis; non sufficit ventri tuo, quicquid volat in aere, quicquid natat in undis, quicquid latet in sylvis. Aspice potentum culinas, & concursantes inter tot ignes coquos: vide servorum, & ancillarum sudantem cohortem: vide stragam animalium, & natantia vino penuria: observa, quanta sollicitudine argentum ordinant pueri; quantâ arte disponunt fercula, inferunt patinas, scindunt aves: quantâ celeritate discurrent ad ministeria. Vix credes unam esse domum, cui tot Consulū, & Regnorum vina promuntur; cui mensa tanto tumultu apparantur. Non præcipio ut subtrahas ventri alimenta. Contumax est; non potestvinci, quotidiano indiget cibo. Verum latet hic dolus, & subtilissimus concupiscentiae laqueus; quo sœpe anima irretitur, obtentu necessitatis, negotium obumbras voluntatis. Vis scire, quād parvo fames extinguitur? Te ipsum numera, metire corpus, flomachum consule. Scies, non esse necessarium, quod mensuram excedit. Naturæ pauca sufficiunt, luxuriae nihil.

3. Fames non est ambitiosa; contenta desinere, quo desinat non querit. Elapo momentaneo palati judicio, non suavius sapit pretiosum, quam vile. Si esuris, edendum est: si sitis, bibendum. Sed utrum panis plebeius sit, an sanguineus: utrum aqua ex proximo amne excepta, an multa nive refrigerata, nihil pertinet ad naturam. Hoc unum illa jubet, sedari famem, sitim extingui. Pisces è supero, inferoque mari, à flu-